

剡源鄉志卷二十二

奉化趙霈濤 醉仙甫纂

石刻

剡源無金而有石故不日金石而日石刻

黎洲山碑

碑記云周迴八百里二百八十峯中頂五峯狀如蓮花近星斗

案四明山志云亦不知何人所刻是此碑當時尚存斷碣今徧訪居人無一知者或曰數十年

剡源鄉志

卷二十二

石刻

一

前一碑為鬱攸所燬詰其所燬何碑則茫然也

宋

舒氏壙誌 在董村龍王堂不知何年出土字漫滅不

可讀搨印一紙亦祇十讀其三四茲從舒文靖集錄出

董溪竺頤碩夫之配舒氏余三從兄之女也曾祖諱某祖諱某考諱某與竺氏皆明之奉化人年二十而嫁事碩夫三十有八年而嫠後七年當淳熙己酉五月四日而沒越三年二月丙午合葬於居室之左薛

家塢碩夫之墓君少孤家且貧隨母鞠養於袁氏柔
惠疏通克勤厥己既嫁事舅姑婉而恭遇長妣卑而
睦相君子順而勤嫺親饋問孔惠孔時酒食賓燕具
有旨蓄故能和室人輯宗黨而家道以豐竺氏先世
服田力穡家尙樸野雖長厚有餘而文不逮質於是
諸子能勝冠君爲裹糧俾負笈出就明師歲時歸勤
問師友所講何說汝曹所肄何業所學何似躬自督
課不懈益嚴他日喜語余曰諸子自得師粗厲之習
變而爲儒雅暴慢之氣轉而爲溫厚事父母處兄弟

剡源鄉志

卷二十二

石刻

二

非曩日比且丐余勉厲以圖厥終余告之曰此心之
良人所具有先生能開吾善不能與吾以善三子繼
自今毋放毋逸改過自修離師友而不返式慰母心
未量也至是大年請記歲月子樂道其教子事故併
書余言男曰大年大本大聲大用女歸王九成戴端
書袁邦獻毛天祐屠權大聲大用及王戴毛三女先
卒孫男曰師雍師偃師黠師參師蹇師口孫女六皆
幼焉叔父修職郎充徽州州學教授某誌

張居士墓碑

二行行五字字大三寸五分
篆書今在斑溪茅洋廟左側

宋克己齋居

士張公之墓

碑陰

七行行十二字
字大五分正書

宋□□□□進士諱紳字□□

生於紹興二十七年丁丑十一

月初□日子時卒於嘉熙二年

戊戌□月二十日丑時享年□

剡源鄉志

卷二十二

石刻

三

十□以□祐二年壬寅十二月

十二日葬於方家衞之原□□

丁巳十二月十六日孫錯□□

張進士墓碑

二行行四字字大三寸五分
篆書在張居士墓碑之左

宋故進士

張公之墓

碑陰

七行行十一字
字大五分正書

宋故張萬廿四進士諱□□

德知生於淳熙十年癸卯九

月二十七日亥時卒於□祐

三年乙卯正月十九日辰時

享年七十三以寶祐五年丁

巳十二月十六日祔葬於方

家衢 先祖之塋男□□識

張夫人墓碑

二行行四字篆書在張居士墓碑之右

剡源鄉志

卷二十二 石刻

四

宋故趙氏

□□之墓

碑陰

斷截五塊行數字數不可紀惟未有男錯二字可識

案以上三碑字多剝蝕就甲子推之張居士碑

陰享年□十□當作八十二□祐二年當作淳

祐二年□□丁巳當作寶祐丁巳張進士碑陰

□祐三年當作寶祐三年

陸氏殘碑

十行行十五
在樟墅陸家壩

□□□□仕□功名□以垂不朽云

□□□□□□□□唐大歷間舉進士

授監察御史建中四年召為學士貞元

同平章事封宣公任福建莆田縣因苗

蠻作亂遷至甯海團旋後復往奉化之

□□江西提刑副使□□□□宋慶

□□士□□□□□□苓園□□存

焉□殿前□元□□□崇祐間封尚書

剡源鄉志

卷二十二

石刻

五

□□□□□□□□相□□□華表存焉

□山□□□□日陸□□□應□重立

案此碑不可解亦不必強為之解

明

巖壁題詩

行數字數不可紀同治初猶可識其十之三四今無幾字可識是戴洵題詩處在俞村毛巖嶺上

幽巖題字

字大二尺在
千丈巖下

煙聲

□□壬午年□夢泰□

夢字草頭剝
蝕餘詳藝文

案壬午上當是崇禎二字夢字上當是胡字泰
字下當是題字或書字

巖題隻字

旁無款識在後
董俗名佛字巖

佛

汪參軍墓碣

鮎崎亭
集外編

丙戌之夏浙東之勢不支姚江督師孫公嘉績熊公汝

剡源鄉志

卷二十二

石刻

六

霖皆不復能軍以其殘卒付之侍御黃公宗羲黃公因
與同官王公正中合軍料簡士伍尙及三千欲渡海取
鹽官駐兵潭山浙西烽火響應其時總統列將者吾鄉
奉化汪涵叔度也叔度小學於侍御慷慨喜言兵法時
中原鼎沸累欲棄諸生從戎至是遂參軍事已而歸安
茅翰飛卿以浙西諸公之使來叔度與談兵大喜茅氏
自鹿門止生以後皆好兵事飛卿益甚侍御留之使與
叔度共事無何浙東失守監國由江門入海潭山之師
踉蹌而歸沿途爲大兵及降卒所梗塞侍御乃諭軍士

不願從者任所之尙得親兵五百叔度爲前導重趺間行得達四明山中駐仗錫寺侍御再三申戒以山民皆貧不可就之求糧一日侍御偶出部下糧絕不得已取之山民於是山民以語邏卒導之焚寨夜半火起寨中倉皇出鬪皆徒手死者十九叔度從烈焰中殺數人已得出歎曰所圖不遂命也不死且自取辱還鬪而死飛卿亦歿於圍中是役也論者皆咎軍律之疏致崎嶇百死之義士盡爲國殤雖然當日之搶攘人力莫施豪傑之士不過存一穴胸斷脰之念以求不媿於君臣之大

剡源鄉志

卷二十二

石刻

七

義而已不然遠揚而去又何不可而必以身殉之乎叔度居奉化之晦谿曾祖某祖某父某娶某氏子某其死也腰閒有軍符故其家得求其屍而合之子求甬上諸忠遺事於奉化祇得一叔度至是其家來求銘亟喜而爲之其誄曰其事不成其死無名其志可矜其目未瞑其銘足徵其人如生

皇朝

巖壁題字

二字字大三尺行書
在蹕駐仙靈橋下

仙靈

款識二
行行書

余不負此景刻二字

以志心賞宋紹祖

四字字大三尺
行書在蹕駐

雲生半壁

款識二
行行書

韻士表棣宋先生正屬

道光己酉毛玉佩書

剡源鄉志

卷二十二 石刻

八

二字字大二尺毛玉
佩行書在巖頭象山

硯池

二字字大一尺毛玉佩正書
與硯池二字相去四五丈

石泉

三字字大一尺二寸毛玉
佩正書在巖頭獅山之麓

伴我山

冢墓
其有人非剡源而墓
在剡源者亦載之

五代

四明琅琊王府君超墓

葬蒿溪里

康熙志
敘遺

案奉化無蒿溪里蒿溪當是嵩溪形誤耳

宋

待制劉致一墓

葬唐興嶺

康熙志

案唐興嶺接嵯縣界路極崎嶇距縣九十里別

鄉人諒無擇兆於此者疑待制是剡源人攷南

宋時公塘尚有劉姓又疑是公塘人也

監察御史樊良忠墓 在公塘之原

御史中丞曹貫墓 莫詳其處

郡馬董楨墓 在倪家畧

剡源鄉志

卷二十二

冢墓

九

案楨新昌人今斑溪董氏是其後裔

郡馬樊紱墓 葬公塘之原

建甯通判曹粹中墓 莫詳其處

雪窗張良臣墓 縣西三十里白巖山

康熙志

翠屏先生樊康之墓 葬公塘之原

舒文靖公璘墓 在茅洋小山中

剡源集

楊簡撰墓銘

元戴表元詩莫輕數尺黃泥壤埋卻斯人後更無山上白難生毒草樹間長見聚慈烏樵耕可免憑鄉俗灑掃能來是學徒後有宣尼須痛惜待將墓額寫嗚呼

案楊文元公撰墓誌謂葬於公塘山至正志遂

沿其誤而康熙乾隆二志謂在康家嶺眠狗山者亦未塙惟戴剡源茅洋之說爲得其實然父老相傳初葬公塘小千畧後遷斑溪今小千畧石料猶存或亦可信不然文元誌其葬在何所出自文靖之子之口豈公塘斑溪相距八九里尙不知乎惜其遷葬年月今已不可攷矣 舒文靖集孫校勘記案茅洋小山土人呼爲狗山則康熙乾隆二志云眠狗山不誤惟墓近茅洋與康家嶺稍遠耳

剡源鄉志

卷二十二

冢墓

十

撫州通判劉濤墓 葬剡源鄉張畧之原趙敦臨記今草蓬山是其處

太學鮑俊德墓 在嵩溪王畧攻媿集

案王畧在三石今其墓故址莫知所在

朝請大夫曹虛墓 在禽孝鄉童畧先塋之側攻媿集樓

鑰撰墓銘今莫詳其處

隱士竺汝舟墓 在唐青畧

進士文林郎曹暹墓 莫詳其處

竺頌墓 在薛家塢沈端憲撰墓銘其妻舒氏舒文靖

譔壙記今在龍王堂前

理學竺大年墓 在大智寺後

戴剡源先生祖墓 在張村之長錫畧 剡源集。康乾二志

迪功郎康維翰墓 在茂林 剡源集

承直郎曹孝先墓 在禽孝鄉下風潭 康熙志

案乾隆志風誤楓

孝子康敬墓 在方家衚麻車阬口

工部尙書陳德剛墓 莫詳其處

特奏名進士僉判張欽墓 在塘頭山

剡源鄉志 卷二十二 冢墓 十一

理學張錯墓 在斑溪方家衚之原陳著撰墓志銘

直學士院樊伯撫墓 葬佛字潭之山

進士竺津墓 在董村穀岫山

泰宇居士曹說墓 莫詳其處

太博陳著墓 在倪家畧

案鄞志謂在鄭畧西是誤認前妻童氏之墓為

本堂先生之墓也其以童為董亦誤

漕貢單庚金墓 在嵗縣忠節鄉葛竹山之原戴表元

撰墓志銘 剡源集

姚雷弔單昌範墓詩曾於舊史見遺文今幸來遊弔古墳華表斷留雙柱石佳城荒鎮一溪雲昔年著作悲殘簡此日精靈對夕曛仙骨縱隨坏土盡芳名千古孰如君

新城尉陳觀墓 葬下蹕駐仇家販背舊菴後山袁楬

撰墓志銘

案袁清容陳縣尉墓志銘作葬畢駐里

元

剡源先生戴表元墓 在張村 清容集。嘉靖志。康乾二志同。 今三石

嶺之陽墓石刊戴剡源先生之墓七字

案道光末榆林猶存戴氏兩人越數年轉徙大

剡源鄉志 卷二十二 冢墓

三

嵩場以致剡源先生之墓無人祭埽今幸上舍

陳日贊於光緒十二年助有田畝設立章程虔

備酒醴致祭并其相近祖墓而亦祭之洵可謂

誼篤桑梓者矣 參孫鏘撰陳春泉分關序

教授陳深墓 葬西畧口山

學錄陳沆墓 葬西畧

越州提鎮陳洵墓 莫詳其處

教授陳泌墓 葬西畧口山

孝子毛良孫墓

案石門毛譜失載其人想譜爲兵燹所燬故莫知其墓之所在

教諭陳子翬墓 莫詳其處

黃正孫妻陳氏墓 葬剡源之三石黃潛撰墓志

明

南平知縣毛叔玠墓 在石門

辰州知府毛子廷墓 在俞家山

安吉知縣蔣德淵墓 今晦溪無蔣氏莫詳其處

按察司僉事楊雲舉墓 今晦溪無楊氏莫詳其處

剡源鄉志

卷二十二

冢墓

三

泰和教諭單德信墓 在亭下

本學訓導竺君詠墓 在董村

和州訓導戴詢墓 今榆林無戴氏莫詳其處

合肥訓導曹信墓 在塔下

蘇州教授康洪墓 在康嶺

華亭訓導宋璧墓 在洪村畝

都督府經歷宋紳墓 附葬洪村畝父墓之側

武甯訓導宋徽墓 在董村後門土角

大足知縣單秀登墓 在亭下

參軍汪涵墓 全祖望撰墓碣文今晦溪無汪氏莫詳

其處

皇朝

周囊雲先生髮冢 在柏阮榧樹灣自爲之銘

案身體髮膚本是一類故髮冢亦不敢遺

銘曰余去盡髮無如髮不終余去戀戀宜死不死人隔月卽長寸然爾能長我能去去則拾而裹以片楮積數歲且盈匣將投諸水惡浮惡沉惡波逐將投諸火惡炎惡熱惡煙燼將與腐草朽株同委棄又焉知不爲人所喫食而爲腹中蛇迺筮得坤之四括囊无咎无譽于是執斧負耜斬木穴土選小石之平直堅確者發爲冢曰惟埋之其從之冢則髭數莖鬚數株可無作備其送之冢則首則身首則若目若耳若

剡源鄉志

卷二十二

冢墓

齒

齒舌若鼻口身則若心若膽若腸若肝肺若手足此十餘者生與髮爲一異乎不一而相與以深者而俱生不與俱死烏能不情而生無所爲生死無所爲死又烏乎情夫不一必一以情情亦不一不如無情今日身首尙存固不必有情而不一者之匍匐惟松有聲可以無哭惟薤有露可以無淚惟鳥石依依可無弔客而今日之身首且爲髮當松聲當薤露當鳥石爰撮土爲奠以告之曰聞骨能食土氣厚與所分之身爾性不速灰非骨而存與骨俱余縱不藉爾地下以庇余地上獨無爾雖有首猶之無目無耳無齒舌鼻口不殊無首雖有身猶之無手無足無心肝腸肺不殊無身吾願爾他日幸勿化鼠鬚化兔頰化脈望化塵後之尾以有用用幸化龜毛化兔角以無用用余身首來泉時或與爾得度盡有髮鬼化下泉爲白日告畢而窆窆而銘曰冢止乎髮是無人也冢既有髮非無物也無人之冢太虛寥廓有物之冢日出日

入

陽春知縣單九翔墓 在亭下

新城教諭趙青照墓 在巖頭之油茅畝

舉人宋佩墓 在下蹕駐

普定知縣陞用同知解元竺陳簡墓 葬鄞邑西山之

麓孫學嗣撰墓志

舉人毛西庚墓 在董家橋

舉人曹斌墓 在塔下

武進士宋紹祖墓 在六詔挂鐘山

蛟川書院山長孫廷鎬墓 在許家岸溪西坪

剡源鄉志

卷二十二

冢墓

五

海鹽教諭毛金和墓 在石門

補

石刻

宋

迪功郎惟昭墓碑

公姓董氏諱惟昭字子

闕

為慶元府奉化縣剡源人也

曾大父仲誠大父珠父允德公居家勤儉行己孝義奉

偏親王氏保壽九十七齡兄蚤喪撫存孤姪既婚娶悉

以父祖遺產遜之力自營造成家捨資財為浮圖永固

淨慈起佛殿僧堂廊廡蓋覆甃砌周備紹興間歲偶歉

剡源鄉志

卷二十二

石刻

六

上司委郡邑勸上戶行賑濟卽倒廩以贍飢民鄉曲

賴其存活者甚眾

闕

慶元初蒙

慶典恩受封九品官

致仕享年八十有二距政和丁酉八月壬午生慶元戊

午三月壬子不祿越二禩己未九月丙午與先夫人張

氏合葬焉

大宋慶元五年歲次己未九月十七日孝男世安立

董譜云此碑於道光十四年間相阮陳氏在阜茨嶺

之下墾運田底鋤而獲之洗閱碑蹟乃董氏也但上

下鄰村向無董姓止有從三石董家村徙居斑溪之

一派而已卽時報知家全等將碑攜至砌立於滋本堂之牆壁以垂不朽余閱碑文乃惟昭之子世安所建查譜中惟字行第則有之而竝無惟昭世安之名譜與碑兩不相符蓋於康熙年間譜曾亡失以致今之不可考證也

案此碑從滋本堂搨印一紙字數行列俱漫滅不可識在道光中祇闕二字今僅七十年剝蝕何其甚也